



Inatsisartunut ilaasortaq Peter Olsen
/Maani

**Pisortat ingerlatsivianni pisariillisaanissamut atatillugu
misissueqqissaarnermik piareersaasiormillu sulineq pillugu § 37
naapertorlugu apeqqummut 2019-231-mut akissut**

Brevdato: 18-07-2019
Sags nr. 2019 - 16181

Asasara Peter Olsen

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Pisortat ingerlatsivianni pisariillisaanissamut atatillugu misissueqqissaarnermik piareersaasiormillu sulineq pillugu Inatsisartut Suleriaasianni § 37 naapertorlugu Naalakkersuisunut apeqqummik saqqummiussivutit. Apeqqut uannit akineqartussanngorlugu innersuunneqarpoq.

**1. Aningaasanut Inatsimmi, konto pingaarnermi 20.11.51-imi,
misissueqqissaarnissamut pilersaarusiornissamullu aningaasaliissutit
qanorpiaq atorineqarnissaat pillugu Naalakkersuisut
ilisimatitsisinnaappat?**

2019-imut aningaasanut inatsit pillugu isumaqatigiisummut malitseqartitsinerimi immikkoortuni makkunani aningaasartuutitut misissueqqissaarnermik suliaqartoqarpoq:
- peqqinnissaqarfimmu,
- ilinniartitaanermu,
- pisortat ataatsimoorussamik aqqiissutaat aamma shared service,
- IT,
- sulisoqarneq,
- ulloq unnuarlugu angerlarsimaffiit.

Pisariillisaaffiusinnaasunik sipaaruteqarfiusinnaasunilu periarfissanik qulaajaanertigut pisortat ingerlatsivianni pisariillisaanissaq sinaakkuserneqassasoq 2019-imut aningaasanut inatsit pillugu isumaqatigiisummi allassimasoq misissueqqissaarnerni siunertaavoq.

Misissueqqissaarnerit maanna ingerlanneqarput, inerniliussaagallartullu siulliit aasap naanerani piareernissaat naatsorsuutigineqarpoq. Misissueqqissaarnissat inerneriumaagaat pillugit maanna oqaaseqarnissamut siusippallaarpoq. Misissueqqissaarnerilli ineneri AI2020-mi isumaqatiginninnarnut atatillugu sipaaruteqarsinnaanerit pillugit oqaloqatiginnerni ilanngunneqassasut naatsorsuutigineqarpoq.

**2. Misissueqqissaarnissaq pineqartoq (ilaatigut) UKA2016/47-p
piviusunngortinneqarneratut isigineqassava?**

Siunnersuut akuersissutigineqartoq ima oqaasertaqarpoq:

"Immikkoortoqarfiit susassaqaarfilla akimorlugit suleqatigiinnerit pitsanngorsarsinnaajumallugit Naalakkersuisut Aaqqissuusseqqinnissat suliaassanilla nuutsinissat pisariaqartut piareersarsinnaajumallugit kommuninik suleqateqarnerminni suleriaatsinik pitsaanerusunik sunniuteqarnerusunilla pilersitsinissamik peqquneqarnissaanik, Inatsisartut aalajangiiffigisassaatur siunnersuut. Taamatut suliniuteqarnermi allaffissornikkut periutsit nalinginnaasut qulakkeerlugit atorineqarnissaat isiginiarneqassapput."

Aalajangiiffigisassatur siunnersuut 2018-imi qinersisoqarneratigut atorunnaarpoq. Taamaakkaluartori misissueqqissaarnermik suliat UKA2016/47-p piviusunngortinneqarnerata ilaatut isigineqarsinnaapput. Ilanngullugu pisortat ataatsimoorussamik aaqqiissutaat, kiisalu ilaatigut sunniutinik uuttuinneritigut naapertuunnerusunilla pilersitsinissamik aaqqissuusinneritigut suleriutsinik suli pisariinnerusunik angusaqarnissaq misissueqqissaarnermi pingaartinneqarput.

Siuliani taasanut tapiliullugu immikkoortuni pilersaarusiorneq UPA2016/47-p piviusunngortinneqarnerani pingaaruteqarpoq. Immikkoortuni pilersaarusiorneq aqqutigalugu pingaarnertut ataqatigiissarineq ingerlatsiviit immikkoortullu akimorlugit suleqatigiinnermik ataqatigiissarinermillu qulakkeerinneqataassapput. Immikkoortuni pilersaarusiortarnermik suliat killiffiat pillugu Aningaasaqarnikkut Ingerlatsineq pillugu Nalunaarut 2019 innersuusutigissavara.

3. Misissueqqissaarnissaq pineqartoq kia suliarissavaa, assersuutigalugu suleqatigiissitanik pilersitsisoqarsimava?

Apeqquut 1-imi misissueqqissaarnermut nassuiarneqartunut tamanut suleqatigiissitanik pilersitsisoqarpoq. Misissueqqissaarnerit apeqquutaatillugit immikkoortut attuumassuteqartut pilersaarusiornernut sulianullu ilaatinneqartarput.

4. Qanoq annertutigisumik, qanorlu aaqqissuusseqqinnermi kommunit sunnerneqassappat?

Apeqquut 1-imi oqaatigineqareersutut misissueqqissaarnerit suli ingerlanneqarput. Kommunilli pisariaqarnera naapertorlugu misissueqqissaarnermi ilaatinneqassapput.

Kommuninut tunngatillugu pisariillisaanernik suleqatigiinnermillu suliniutit arlallit allat aamma ingerlanneqarput. Tassani assersuutigalugu Inatsisartut Aningaasaqarnermut Akileraartarnermullu Ataatsimiititaliaata ulloq 26. juni 2019 ilassutitut aningaasaliissutinik atugassanngortitsinermik akuersineratigut ilaatigut pisortat ataatsimoorussamik naatsorsuuserinnermut atortorissaarutaannut pisortat ataatsimoorussamik aningaasaqarnermik sulisoqarnermullu aqutsinermik qarasaasialeriffianik pilersitsisoqarlunilu qarasaasianut allanut aningaasaliisoqarpoq. Suliniutip taassuma suliffeqarfiup immikkoortuni ingerlataani ataqatigiissarineq, suleqatigiinneq ataatsimullu periuseqarneq qulakkiissavaa.

Taamattaarlu Namminersorlutik Oqartussanit kommuninut suliaassat arlallit

aamma nuunneqarput, tamannalu marloqiusamik allaffissornermik annikilliliinerullunilu pisariinnerusumik suleriaaseqalernernik qulakkeerinnittussaavoq. Tassungalu ilanngullugu nunaqarfinnut isorliunerusunullu sanaartornermik pilersaarutitut aningaasaliissutit 2017 aallarnerfigalugu kommuninut nuunneqarnerat oqaatigineqassaaq. Taamatut aamma meeqqerivinnut meeqqallu atuarfiinut sanaartornermut aningaasaliissutit, kiisalu inuinnarnut piginneqatigiillunilu sanaartornermut taarsigassarsitsisarnerit 2018-mi kommuninut nuunneqarput. Suliassat taakku maanna kommuninit tamakkiisumik oqartussaaffigineqalernerat, sulianullu taakkununga aningaasanut inatsisini immikkut aningaasaliisoqartarunnaarnera suliassanik nuussinerit kinguneraat. Maanna sulianik nuussinissat amerlanerusut, kiisalu Namminersorlutik Oqartussat kommunillu ataatsimut aningaasaleeqatigiinneranni utertitsisarnernilu periutsinik pisariillisaaneq maanna sulissutigineqarput.

- 5. Pisortat namminersortullu suleqatigiinnerat tamatumani ilaatinneqarpa, aamma naammassineqartartut annertusaaffigineqarnerat inuussutissarsiornermut iluaqutissat, misissueqqissaarnermi ilanngunneqassappat?**

Pisortat namminersorlutik inuussutissarsiornermut suleqateqarnerat naapertuuttumik suliarnut ilaatinneqassaaq. Ataasiakkaani pisariillisaanerit namminersortunut iluaqutaasinnaaneranni sammisat ataasiakkaat apeqqutaassapput.

- 6. Misissueqqissaarnermi manna tikillugu aaqqissuusseqqinissamik pisariaqartitsinerit suut paasineqarpat – tamakkulu qanoq annertutigisumik ileqqaarutaasinnaanerat ilimagineqarpa?**

Siusinnerusukkut oqaatigineqareersutut misissueqqissaarnermi suliarnut konto pingaarneq 20.11.51 nassuiarneqartut suli ingerlapput. Siuliani apeqqutit akineqarneranni nassuiarneqareersutut suliniutit arlallit UKA2016/47-mi anguniakkatut taaneqartut ersersinneqarput.

- 7. Ukiuni missingersuusiorfiusuni ileqqaarutissatut ukiumut 30-40 mio.kr.-it naatsorsuutigineqartut, aaqqissuusseqqinnikkut anguneqarsinnaaneri Naalackersuisunit pivusorsiorlutit isigineqarpat? Taamaangippallu; Naalackersuisut maannakkut qanoq annertutigisumik ileqqaartoqarsinnaanera ilimagaat?**

Siusinnerusukkut oqaatigineqareersutut misissueqqissaarnermi sulinerit suli naammassineqanngillat. Taamaammallu sunniutaasinnaasunut ataasiakkaanut tunngatillugu oqaaseqarnissaq suli siusippallaarpoq. Qanorluunniillu pisoqaraluarpat sipaarutissatut tunngavigineqartut pivusunngortinneqarnissaannut siunnersuutit suliaqartoqartariaqassaaq, taakkulu AIS2020-p isumaqatiginninniutigineqarneranut ilaatinneqassapput.

- 8. Misissueqqissaarnissamut pineqartumut tunngasunik allanik Naalackersuisut paasissutissiisnaappat?**

Misissueqqissaarnermik kiisalu pisortat ingerlatsivianni pisariillisaanermik

suliaqarnermut atatillugu Aningaasaqarnikkut Ingerlatsineq pillugu Nalunaarut
2019-imi kapitali 5.3 aamma 6.2 innersuussutigineqarput. Kapitali 6.2-mi
ilaatigut misissueqqissaarnerit maanna ingerlasut sukumiisumik
nassuiameqarput.

Inussiarnersumik inuulluaqqusillunga


Vittus Qujaukitsoq